



REPUBLIKA E SHQIPËRISË
KËSHILLI I LARTË GJYQËSOR

Nr. _____, Prot.

Tiranë, më _____._____.2023

Lënda: Kthim përgjigje

Duke shprehur konsideratën për veprimtarinë tuaj, në përgjigje të kërkesës për informacion, regjistruar me numër rendor 33 në regjistrin përkatës të kërkesave dhe përgjigjeve, si dhe me aktin nr. 6190 prot., datë 30.11.2023, në të cilën kërkoni vënien në dispozicion të vendimit të ish-Këshillit të Lartë të Drejtësisë për vendosjen e masës disiplinore ndaj gjyqtarës znj. {...} në vitin 1996, procesverbalin e mbledhjes për këtë çështje, si dhe pjesëmarrësit në këtë mbledhje me emër dhe funksion përkatës, referuar ligjit nr. 119/2014, “Për të drejtën e informimit”, ju bëjmë me dije si më poshtë:

Referuar periudhës për të cilën kërkoni informacion, ju informojmë se organizimi dhe funksionimi i ish-Këshillit të Lartë të Drejtësisë ishte i ndryshëm nga KLD-ja e krijuar me Kushtetutën e vitit 1998 dhe Ligjin nr. 8811, datë 17.05.2001. Organizimi i mbledhjeve plenare në ato vite, zhvillohej në institucionin e Presidentit të Republikës së Shqipërisë apo dhe në Ministrinë e Drejtësisë, institucione këto të cilat përgatisnin gjithë dokumentacionin që shqyrtohej në to, për rrjedhojë dhe vendimet përkatëse.

Gjithashtu ju informojmë se për periudhën për të cilën ju kërkoni informacion, më konkretisht për vitin 1996, bazuar në Regjistrin Themeltar të Ministrisë së Drejtësisë, që disponon Këshilli i Lartë Gjyqësor, për znj. {...}, emëruar me Vendimin nr. 14, datë 21.12.1993, të Këshillit të Lartë të Drejtësisë, gjyqtare pranë Gjykatës Fier, rezulton se:

1. Me Vendimin nr. 7, datë 08.02.1996, të Këshillit të Lartë të Drejtësisë, znj. {...}, është liruar nga detyra për shkak të paaftësisë në kryerjen e detyrës.
2. Me Vendimin nr. 8, datë 23.08.1996, të Këshillit të Lartë të Drejtësisë, znj. {...}, është emëruar gjyqtare pranë Gjykatës Mallakastër.

Ju falenderojmë për mirëkuptimin!